

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

koju zastupa načelnik , (u daljem tekstu Kupac)

i

Zlatarska radnja, vl. Adnan Fočak

ulica Veliki čurčiluk br. 36,

ID 4300851080005

koju zastupa vlasnik

(u daljem tekstu: Prodavac)

zaključili su

UGOVOR broj 17-14-21890-5 **o kupoprodaji suvenira za potrebe Kantona Sarajevo**

Član 1.

Ovim ugovorom ugovorne strane utvrđuju prava i obaveze vezane za nabavku i isporuku suvenira za potrebe Kantona Sarajevo u skladu sa ponudom Prodavca od 14.05.2018. godine, dostavljene po pozivu za ponudom za predmetnu nabavku putem direktnog sporazuma. Prodavac se obavezuje izvršiti prodaju i isporuku robe iz stava 1. ovog člana Kupcu, a Kupac platiti istu prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

Član 2.

Ukupna vrijednost ovog Ugovora iznosi 2.000,00 KM.

U navedenu cijenu nije uračunat PDV iz razloga što dobavljač nije PDV obveznik.

Član 3.

Isporuka robe iz tačke 1. ovog Ugovora izvršiti će odmah nakon potpisivanja ugovora, a najkasnije u roku od 30 dana od dana potpisivanja ugovora.

Član 4.

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu robe. Ukoliko se utvrdi oštećenje primljenog proizvoda ili ako se ustanovi da kvalitet robe ne odgovara traženom, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 5.

Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu).

Ukoliko to ne učini Kupac zadržava pravo da u roku od 24 sata jednostrano raskine ovaj ugovor i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu.

Također, Kupac zadržava pravo jednostranog raskida ugovora ukoliko se utvrdi da Prodavac ne poštuje rok isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog ugovora.

Član 6.

Fakturisanje se vrši odmah uz urednu isporuku robe.

Član 7.

Sastavni dio ovog ugovora je Odluka o izboru najpovoljnijeg ponuđača broj: 17-14-21890-3 od 116.05.2018. godine i ponuda od 14.05.2018. godine, kroz koju je navedena specifikacija robe koja je predmet ovog Ugovora.

Član 8.

Kupac se obavezuje platiti fakturu prodavcu roku od 30 dana od dana prijema fakture.

Član 9.

Ugovorne strane su saglasne da će sve izmjene i dopune ovog ugovora regulisati u skladu sa važećim zakonskim odredbama.

Član 10.

Ovaj ugovor se počinje **primjenjivati danom potpisivanja.**

Član 11.

Ugovorne strane mogu jednostrano otkazati ugovor pismenim putem sa otkaznim rokom od 15 dana.

Član 12.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 13.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:

KANTON SARAJEVO
Stručna služba za zajedničke poslove



Broj: 17-14-21890-5

Datum: 23.05.2018. godine

PRODAVAC:

Zlatarska radnja, vl. Adnan Fočak

Vlasnik

30. 5. 2018

Broj:

Datum:

ZLATARSKA RADNJA
VL. FOČAKADNAN
SARAJEVO, Veliki Čurčiluk 36